

interesadas no idioma e na cultura de Galicia que determine a Dirección Xeral de Política Lingüística da Consellería de Educación e Ordenación Universitaria, en colaboración coa Consellería de Emigración, segundo se dispón nos seus programas, tendo en conta as solicitudes recibidas e a dispoñibilidade orzamentaria.

Artigo 2º

1. Poderán asistir a estes cursos os galegos residentes no exterior e os seus descendentes, os membros dos citados centros e asociacións, e outras persoas interesadas no idioma e na cultura de Galicia.

2. Para acceder ao curso de perfeccionamento é requisito indispensable ter aprobado ou validado o curso de iniciación.

3. O número de asistentes a cada curso será de 20 persoas como mínimo, agás casos excepcionais debidamente xustificadas.

Artigo 3º

1. Os cursos terán unha duración de 75 horas e realizaranse, ordinariamente, con carácter intensivo. Nos casos en que existan profesores de galego no lugar de celebración do curso, poderase ampliar este prazo ordinario, completándose a realización do curso dentro do ano natural. Responderán aos contidos sinalados pola Consellería de Educación e Ordenación Universitaria, e completaranse, no caso dos cursos de extensión cultural galega, cunha visión da historia e da actualidade de Galicia nos seus aspectos socioeconómicos e culturais.

O curso de animación ao coñecemento de galego vai especialmente deseñado para nenos e nenas de 8 a 14 anos, cunha visión xeral da realidade galega.

2. A asistencia ás clases é obrigatoria. A ausencia de cada un dos asistentes non poderá ser superior ao 10% da duración total do curso.

3. A avaliación dos cursos de lingua galega deberá responder aos principios de formativa e continua, e terá en conta o dominio oral e escrito do idioma galego, para o que se farán as probas necesarias. Ao remate de cada curso, aos asistentes que superaron as distintas fases da avaliación outorgaráselles un certificado coa cualificación de «apto».

Artigo 4º

1. As persoas que desexen asistir a estes cursos presentarán a solicitude nos locais dos centros ou asociacións aos que se alude no artigo 1º, nos prazos que determinen esas propias entidades e tendo en conta o disposto no programa da Consellería de Emigración.

2. Os solicitantes do curso de perfeccionamento deberán presentar canda a solicitude unha fotocopia compulsada da certificación que acredite que teñen superado ou validado o curso de iniciación.

Artigo 5º

A relación de admitidos será aprobada polos centros, asociacións ou grupos de persoas referidos no artigo 1º desta orde.

O horario, o lugar de celebración e a data de comezo de cada curso determinarao a Dirección Xeral de Política Lingüística, en colaboración coa Consellería de Emigración e máis coas asociacións, centros ou grupos respectivos, tal e como se establece no programa da Consellería de Emigración.

Artigo 6º

1. O profesorado destes cursos nomearao o director xeral de Política Lingüística tendo en conta os límites establecidos na Lei 53/1984 e no Real decreto 598/1985, sobre incompatibilidades, así como tamén no Decreto 156/1988, polo que se declara de interese público a realización de cursos e actividades de formación de lingua galega, no que respecta ao persoal docente que impartirá estes cursos, feito que se acreditará enviando declaración xurada en que, de xeito expreso, se poña de manifesto que non incorre nos casos previstos nas disposicións anteriores, recollendo, así mesmo, que, ao abeiro do disposto no artigo 200 do Real decreto lexislativo 2/2000, do 16 de xuño, de contratos das administracións públicas, se van designar os profesores docentes tendo en conta a súa solvencia técnica e científica para impartir as actividades referidas.

2. O gasto do profesorado ocasionado pola celebración destes cursos financiarase con cargo á partida orzamentaria 07.06.353E.640.2 dos orzamentos xerais da Comunidade Autónoma de Galicia para o ano 2005, aprobados pola Lei 13/2004, do 29 de decembro.

Os gastos ocasionados polo desprazamento e estadia de profesores nos lugares de celebración dos cursos correrán por conta da Consellería de Emigración e das entidades beneficiarias dos cursos.

3. As retribucións correspondentes son as establecidas no Decreto 202/2002, do 6 de xuño (DOG do 17 de xuño).

Artigo 7º

Todas as actividades que se realicen nestes cursos faranse en galego e ateranse, no tocante á normativa e ao uso correcto do idioma (tal e como determina a disposición adicional da Lei 3/1983, de normalización lingüística), ao establecido pola Real Academia Galega.

Disposicións derradeiras

Primeira.-Autorízase a Dirección Xeral de Política Lingüística para ditar as instrucións que sexan necesarias para o desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 21 de xaneiro de 2005.

Celso Currás Fernández
Conselleiro de Educación e Ordenación
Universitaria

Orde do 21 de xaneiro de 2005 pola que se anuncian cursos de iniciación e de perfeccionamento de lingua galega para mestres e profesores de primaria, secundaria, de ensinanza especiais e de formación profesional, dos centros públicos, privados e privados concertados da Comunidade Autónoma de Galicia.

Tanto a Lei 3/1983, de normalización lingüística, coma o Decreto 247/1995, que a desenvolve, no tocante ao ensino non universitario, buscan, por unha parte, que os alumnos vaian acabando cada unha das etapas do ensino cun dominio semellante do galego e do cas-

telán e, por outra, que o galego sexa a lingua de uso habitual non só da Administración educativa, senón tamén das actividades de relación, organizativas e culturais dos centros educativos.

Para axudar a isto, cómpre contar cun profesorado que coñeza e domine o galego dun xeito suficiente, non só para impartir as clases no idioma propio de Galicia, senón tamén para facelo coa calidade que axude a mellorar o dominio que desa lingua teñen os alumnos.

A promoción e o ensino da lingua galega correspóndelle á Consellería de Educación e Ordenación Universitaria, tal e como o determina o Decreto 213/1998, polo que se establece a estrutura orgánica da propia consellería, e o 247/1995, antes citado. Consecuentemente, é labor desa consellería a organización dos cursos e das actividades formativas precisas para que o persoal ao seu servizo acadese o necesario dominio oral e escrito do idioma galego.

Por todo isto, a Consellería de Educación e Ordenación Universitaria

DISPÓN:

Artigo 1º

1. Anúncianse cursos de iniciación e de perfeccionamento de lingua galega para mestres e profesores de primaria, secundaria, de ensinanzas especiais e de formación profesional, dos centros públicos, privados e privados concertados da Comunidade Autónoma de Galicia, que se realizarán naquelas localidades que determine a Consellería de Educación e Ordenación Universitaria, a través da Dirección Xeral de Política Lingüística, segundo as solicitudes presentadas e a súa distribución xeográfica, tendo en conta o número de solicitudes e as disponibilidades orzamentarias.

2. O gasto ocasionado pola realización destes cursos financiarase con cargo á partida orzamentaria 07.06.353E.640.2 dos orzamentos xerais da Comunidade Autónoma de Galicia para o ano 2005, aprobados pola Lei 13/2004, do 29 de decembro.

3. As retribucións correspondentes son as establecidas no Decreto 202/2002, do 6 de xuño (DOG do 17 de xuño).

Artigo 2º

1. Os cursos impartiranse durante o ano 2005. A data de comezo, o lugar de celebración e o horario determinaranos a Consellería de Educación e Ordenación Universitaria, a través da Dirección Xeral de Política Lingüística.

2. Os cursos terán unha duración de 75 horas e responderán aos contidos sinalados pola Consellería de Educación e Ordenación Universitaria.

3. A asistencia ás clases é obrigatoria. A ausencia de cada un dos asistentes non poderá ser superior ao 10% da duración total do curso.

4. A avaliación que se realice nestes cursos deberá responder aos principios de formativa e continua e terá en conta o dominio oral e escrito do idioma, para o que se efectuarán as probas necesarias. Ao remate de cada curso, aos asistentes que teñan superadas as dis-

tintas fases da avaliación outorgaráselles un certificado coa cualificación de apto.

5. Estes cursos reconeceráselles, para os efectos de cómputo de sexenios, aos profesores que os realicen e os superen.

Artigo 3º

1. As solicitudes presentaranse utilizando o modelo de formulario que figura como anexo a esta orde, no rexistro das respectivas delegacións provinciais da Consellería de Educación e Ordenación Universitaria, ou ben por calquera dos medios que recolle o artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

2. O prazo de presentación será de vinte días hábiles seguintes ao da publicación desta orde no *Diario Oficial de Galicia*.

3. Sobre a admisión das solicitudes resolverá a correspondente delegación provincial da Consellería de Educación e Ordenación Universitaria.

Contra esta resolución, os interesados poderán interpoñer recurso de alzada perante o conselleiro de Educación e Ordenación Universitaria no prazo dun mes, contado a partir da súa notificación, segundo o disposto nos artigos 114 e 115 da Lei 30/1992, de réxime xurídico das administracións públicas e do procedemento administrativo común, modificada pola Lei 4/1999.

De non recaer resolución expresa no prazo de seis meses, que se contarán desde a publicación desta convocatoria no DOG, as solicitudes entenderanse desestimadas.

Artigo 4º

1. O número de asistentes a cada curso será de 35 como máximo e de 15 como mínimo.

2. Para acceder ao curso de perfeccionamento será requisito indispensable ter aprobado o curso de iniciación (ou telo validado, segundo o establecen as respectivas ordes da Consellería de Educación e Ordenación Universitaria). Ao formulario de solicitude unírase unha copia compulsada da correspondente certificación ou validación.

Artigo 5º

Todas as actividades que se realicen nos cursos se farán en galego e se aterán, no tocante á normativa e ao uso correcto do idioma (tal e como determina a disposición adicional da Lei 3/1983, de normalización lingüística), ao establecido pola Real Academia Galega.

Disposicións derradeiras

Primeira.-Autorízase o director xeral de Política Lingüística para ditar, no ámbito das súas competencias, as resolucións que sexan necesarias para o desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 21 de xaneiro de 2005.

Celso Currás Fernández
Conselleiro de Educación e Ordenación
Universitaria

ANEXO



XUNTA DE GALICIA
CONSELLERÍA DE EDUCACIÓN
E ORDENACIÓN UNIVERSITARIA

PROCEDEMENTO CURSOS DE INICIACIÓN E PERFECCIONAMENTO DE LINGUA GALEGA PARA MESTRES E PROFESORES DE CENTROS DE ENSINO	CÓDIGO DO PROCEDEMENTO ED104C	DOCUMENTO SOLICITUDE
--	---	--------------------------------

DATOS DO CURSO

SOLICITUDE DO CURSO DE:	<input type="checkbox"/> INICIACIÓN	<input type="checkbox"/> PERFECCIONAMENTO
-------------------------	-------------------------------------	---

DATOS PERSOAIS DO / DA SOLICITANTE

APELIDOS	NOME	DNI		
ENDEREZO		LOCALIDADE		
CONCELLO	PROVINCIA	CÓDIGO POSTAL	TELÉFONO	Nº DE REXISTRO PERSOAL

DATOS DO CENTRO DE DESTINO

NOME DO CENTRO				
ENDEREZO			LOCALIDADE	
CÓDIGO POSTAL	CONCELLO	PROVINCIA	TELÉFONO	
TIPO DE CENTRO:				
<input type="checkbox"/> PÚBLICO <input type="checkbox"/> PRIVADO <input type="checkbox"/> PRIVADO CONCERTADO				

LOCALIDADE OU LOCALIDADES ONDE DESEXA ASISTIR AO CURSO
--

NO CASO DE SOLICITAR O CURSO DE PERFECCIONAMENTO, ENTREGA COMO ACREDITACIÓN DO DE INICIACIÓN:

- VALIDACIÓN
 CERTIFICACIÓN

LEXISLACIÓN APLICABLE <i>Orde do 21 de xaneiro de 2005 pola que se anuncian cursos de iniciación e de perfeccionamento de lingua galega para mestres e profesores de primaria, secundaria, de ensinanzas especiais e de formación profesional, dos centros públicos, privados e privados concertados da Comunidade Autónoma de Galicia.</i>
SINATURA DO SOLICITANTE _____ de _____ de _____

(Para cubrir pola Administración)		NÚMERO DE EXPEDIENTE
RECIBIDO		DATA DE ENTRADA / /
REVISADO E CONFORME		DATA DE EFECTOS / /
		DATA DE SAÍDA / /

Delegado provincial da Consellería de Educación e Ordenación Universitaria de _____

CONSELLERÍA DE POLÍTICA AGROALIMENTARIA E DESENVOLVEMENTO RURAL

Orde do 24 de xaneiro de 2005 pola que se regulan as solicitudes, no ano 2005, de axudas a superficies, primas gandeiras, prima láctea e indemnización compensatoria e se establece o sistema de información xeográfica de parcelas agrícolas en Galicia.

I

A reforma da Política Agrícola Común (PAC) da Unión Europea aprobada en xuño de 2003 pretende darlles aos agricultores europeos liberdade para producir o que o mercado demande. No futuro, a maior parte das subvencións aboaranse como un pagamento único por explotación e con independencia do volume de produción aínda que os Estados membros poderán optar por conservar unha vinculación parcial entre as axudas e a produción.

As axudas á explotación vincularanse ao respecto ao ambiente, á salubridade alimentaria e ás normas sobre benestar animal.

O Regulamento (CE) nº 1782/2003 do Consello, do 29 de setembro de 2003, polo que se establecen disposicións comúns aplicables aos réximes de axuda directa no marco da Política Agrícola Común e se instauran determinados réximes de axuda aos agricultores e polo que se modifican os Regulamentos (CEE) nº 2019/1993, (CE) nº 1452/2001, (CE) nº 1453/2001, (CE) nº 1454/2001, (CE) nº 1868/1994, (CE) nº 1251/1999, (CE) nº 1254/1999, (CE) nº 1673/2000, (CEE) nº 2358/1971 e (CE) nº 2529/2001, no seu artigo 71, permite que os Estados membros poidan aplicar o réxime de pagamento único establecido no seu título III despois dun período transitorio que concluirá o 31 de decembro de 2005 ou o 31 de decembro de 2006.

En España decidiuse aplicar o réxime de pagamento único a partir do 1 de xaneiro de 2006, polo que é preciso determinar os requisitos de necesario cumprimento, ligados aos sistemas vixentes de axudas directas aos agricultores para a campaña 2005/2006 e gandeiros no ano 2005, durante este período transitorio.

II

O artigo 18 do Regulamento (CE) nº 1782/2003 establece que en cada Estado membro se instaurará un sistema integrado de xestión e control que se aplicará aos réximes de axuda establecidos en virtude dos títulos III e IV do dito regulamento.

Tamén determina o mesmo Regulamento que este sistema integrado comprenderá, entre outros elementos un sistema de identificación de parcelas agrarias establecido a partir de mapas ou documentos catastrais ou outras referencias cartográficas usando técnicas dos sistemas informáticos de información xeográfica,

incluídas, preferentemente, as ortoimaxes aéreas ou espaciais e que será de aplicación a partir do 1 de xaneiro de 2005.

Co obxecto de establecer o marco de colaboración técnica, financeira e administrativa para a xeración do sistema de información xeográfica de parcelas agrícolas en Galicia, formalizáronse os correspondentes convenios entre o Fondo Español de Garantía Agraria (FEGA) e a Comunidade Autónoma de Galicia.

No Estado español, o Real decreto 2128/2004, do 29 de outubro, polo que se regula o sistema de información xeográfica de parcelas agrícolas, establece os criterios básicos que han de garantir o correcto funcionamento do sistema de información xeográfica de identificación de parcelas (SIXPAC), como ferramenta de obrigada utilización na xestión de axudas comunitarias, sendo a base identificativa de parcelas obxecto de calquera tipo de axuda baseada na superficie.

III

Os produtores dos cultivos herbáceos recollidos no anexo IX do Regulamento (CE) nº 1782/2003, recibirán unha axuda por hectárea por superficie cultivada ou retirada da produción establecida no capítulo 10 do título IV do dito regulamento. Dentro deste título, os capítulos 2, 5 e 13 establecen respectivamente, axudas aos produtores de proteaxinosas, cultivos enerxéticos e leguminosas gran.

Así mesmo, no capítulo 12 do título IV do Regulamento (CE) nº 1782/2003 determínanse as condicións en que se concederán os pagamentos por gando vacún aos gandeiros produtores de bovino de carne no período de transición.

Polo que se refire ás primas por gando ovino e cabrún, o capítulo 11 do título IV do dito regulamento establece as condicións en que se concederán as primas ou pagamentos adicionais aos gandeiros que críen ovino e cabrún durante o período transitorio.

Tamén no capítulo 7 do mesmo título IV do Regulamento citado se determinan as condicións para a percepción da prima láctea e pagamentos adicionais, a partir de 2004 e ata 2007 para os produtores de leite.

O Regulamento (CE) nº 1973/2004 da Comisión, do 29 de outubro de 2004, establece normas de aplicación comúns para os esquemas de axudas dispostos no citado Regulamento (CE) nº 1782/2003.

O Real decreto 2353/2004, do 23 de decembro, establece as normas básicas sobre determinados réximes de axuda comunitarios á agricultura para a campaña 2005/2006 e gandería para o ano 2005.

Así mesmo, o Real decreto 543/2004, do 13 de abril, sobre determinadas axudas directas comunitarias no sector lácteo en España nos anos 2004, 2005 e 2006, define o marco básico no que deben encadrarse as actuacións das administracións competentes na tramitación, resolución e pagamento destas axudas no Estado español neses anos.